

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ

ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 414928/03-Վ

ՎԱՐՉԱԿԱՆ ՎԱՐՈՒՅԹԸ ՎԵՐԱԿԱՆՈՒ ԵՎ

ՎԱՐՉԱԿԱՆ ՎԱՐՈՒՅԹԸ ՎԱՐՃԵԼՈՒ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետի Արման Մնացականյանս, քննելով վարչական իրավախախտման վերաբերյալ թիվ 27762 գործը,

ՊԱՐԶԵՑԻ

<<ԷՅ ԲՈՒԹՍ>> ՍՊԸ Հայաստանյան Մասնաճյուղ օտարերկրյա իրավաբանական անձի մասնաճյուղի տնօրեն Տիգրան Պետրոսյանը (ՀՎՀՀ՝ 02683779, Հասցե՝ ք.Ստեփանակերտ, Նաբերեժնայա 3 նրբ. 35, 12) ՀՀ Կառավարության 28.06.2018թ-ի 737-Ն որոշման 8-րդ կետով սահմանված ժամկետում չի ներկայացրել 2020 թվականի փետրվար ամսին ՀՀ պետական սահմանով տեղափոխված ապրանքների վերաբերյալ վիճակագրական ձևերը: Նկարագրված արարքի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169²-րդ հոդվածով:

Վարչական վարույթի շրջանակներում Տիգրան Պետրոսյանին հասցեագրվել է ծանուցագիր՝ վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ: Նկատի ունենալով, որ ծանուցագիրը ստանալու փաստը հավաստող ապացույց առկա չի եղել, ՀՀ ՊԵԿ իրավաբանական վարչության պետի կողմից 11.05.2020 թվականին կայացվել է վարչական վարույթը կասեցնելու մասին որոշում՝ համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի:

Կողմին հայտնաբերելու նպատակով ձեռնարկվել են համապատասխան միջոցներ: Գործում առկա չէ առարկություն կամ բացատրություն:

Համաձայն ՀՀ կառավարության 2018 թվականի հունիսի 28-ի N 737-Ն որոշման թիվ 1 հավելվածի 6-րդ կետի՝ ՀՀ իրավաբանական անձը կամ անհատ ձեռնարկատեր հանդիսացող ֆիզիկական անձը (այսուհետ՝ ֆիզիկական անձ), ով կնքել է գործարք կամ ում անունից (հանձնարարությամբ) կնքվել է գործարքը, համաձայն որի ապրանքները ԵՏՄ անդամ պետությունների տարածքներից ներմուծվում են ՀՀ տարածք կամ ՀՀ տարածքից արտահանվում են ԵՏՄ անդամ պետությունների տարածքներ, իսկ նման գործարքի բացակայության դեպքում՝ ապրանքների ներմուծման կամ արտահանման պահին տնօրինման, օգտագործման և (կամ) տիրապետման իրավունք ունեցող անձը պարտավոր է սույն կանոնների 8-րդ կետով սահմանված ժամկետում մաքսային մարմիններին ներկայացնել հավաստի տեղեկություններ պարունակող վիճակագրական ձևեր:

ՀՀ Քաղաքացիական օրենսգրքի 61-րդ հոդվածի 3-րդ կետի համաձայն՝ ներկայացուցչությունները և մասնաճյուղերն իրավաբանական անձինք չեն ու գործում են իրավաբանական անձի հաստատած կանոնադրությունների հիման վրա:

Վերը նշված իրավական նորմերի վերլուծությունից հետևում է, որ վիճակագրական ձև ներկայացնելու պարտավորություն կրում են ՀՀ իրավաբանական անձը կամ անհատ ձեռնարկատեր հանդիսացող ֆիզիկական անձը:

ՀՀ Քաղաքացիական օրենսգրքի 61-ր հոդվածի 3-րդ կետի համաձայն <<ԷՅ ԲՈՒԹՍ>> ՍՊԸ Հայաստանյան Մասնաճյուղ օտարերկրյա իրավաբանական անձի մասնաճյուղը չի հանդիսանում իրավաբանական անձ, իսկ ՀՀ կառավարության 2018 թվականի հունիսի 28-ի N 737-Ն որոշման թիվ 1 հավելվածի 6-րդ կետի համաձայն՝ վիճակագրական ձև ներկայացնելու պարտավորություն կրում է ՀՀ իրավաբանական անձը կամ անհատ ձեռնարկատեր հանդիսացող ֆիզիկական անձը:


Ելնելով վերոգրյալից և հաշվի առնելով այն հանգամանքը, որ <<ԷՅ ԲՈՒԹՍ>> ՍՊԸ Հայաստանյան Մասնաճյուղ օտարերկրյա իրավաբանական անձի մասնաճյուղը չի հանդիսանում իրավաբանական անձ, հետևաբար <<ԷՅ ԲՈՒԹՍ>> ՍՊԸ Հայաստանյան Մասնաճյուղ օտարերկրյա իրավաբանական անձի մասնաճյուղի տնօրեն Տիգրան Պետրոսյանը ՀՀ կառավարության 28.06.2018 թվականի 737-Ն որոշմամբ սահմանված կարգով վիճակագրական ձև ներկայացնելու պարտավորություն չի կրում:

Նկատի ունենալով, որ բացակայում է Վարչական իրավախախտումների վերաբերյալ ՀՀ օրենսգրքի 169² հոդվածով նախատեսված իրավախախտումը, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 234, 247-րդ հոդվածի 1-ին մասով, 281 հոդվածներով և 282 հոդվածի 1-ին մասի 2-րդ կետով, «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 3-րդ մասով՝

ՈՐՈՇԵՑԻ

1. Տիգրան Պետրոսյանի վերաբերյալ հարուցված թիվ _____ վարչական վարույթը վերսկսել:
2. Տիգրան Պետրոսյանի նկատմամբ հարուցված վարչական վարույթը կասեցնել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ